

A habri Havenstraat y sera Schelpstraat pero trabaonan intensivo ta sigui



ORANJESTAD (AAN): Desde diadomingo cu a pasa a tuma nota cu tin cambianan den e trafico den centro di ciudad. Esaki ta cambianan mirando cu tin trabaonan cu mester sigui tuma lugar den cierto area.

E caminda di Havenstraat bin straight abou te Royal Plaza a worde habri. Esun di Schelpstraat a worde sera. E motibo ta pasobra parti di Havenstraat ta cla pero ainda falta Schelpstraat pa haya su beurt pa trece cambio den dje.

E siman a habri y den e area di Plaza Daniel Leo por mira claramente con fuerte e trabaonan ta andando.

Personal di contratista ta trahando den diferente grupo y reparti den diferente parti den mesun zona pa asina caba e trabao. Mescos ta e caso den Schelpstraat cu a cuminsa raspa e caminda completo pa asina pone capa nobo di asfalt y drecha e area hacie bunita tambe. E situacion aki lo keda asina pa alrededor di cinco siman.